

մշտա՛հայ ազատագրական շարժման առաջամարտիկներին զաղափարական ձեվավորման գործում⁷⁰։

Պայքարի իրենց դեզերումներում հայ գործիչները թեպետ նշմարեցին, բայց չկարողացան գործնականորեն հասնել հարստահարվող մյուս ժողովուրդների հետ համընդհանուր ճակատ կազմելուն։ Ավելին, թուրքական իշխանություններին հաջողվեց հայ ազատագրական շարժմանը հակադրել, նրա դեմ հանել քրդական որոշ ցեղապետերի։

Այսպիսով, արևմտահայ ազգային-ազատագրական շարժումը մեկուսացած մնալով դրացի բուրդ, ասորի, հույն, արաբ ժողովուրդների պայքարից՝ չկարողացավ դուրս գալ համընդհանուր շարժման մայրուղի։

5. ԱԶԳԱՅԻՆ-ԱԶՍԱԿՐԱԿԱՆ ՇԱՐՈՒՄՆԵՐԻ ՀԱՐՑԸ ՀԱՅ ՀԱՍԱՐԱԿԱԿԱՆ ՄՏՔԻ ԳՆԱՀԱՏՄԱՄԲ

XIX դարի 70—80-ական թվականներին իր վերելքը թևակոխած հայ ազատագրական շարժումների զաղափարախոսության առանցքը զինված պայքարի, մեծ տերությունների նկատմամբ կողմնորոշման, ազատագրական շարժման սոցիալական բովանդակության ու նրանց առնչության հարցն էր։ Դեմոկրատական ուղղության գործիչները, այդ թվում նաև նրանց հարողներն արևմտահայ ժողովրդի փրկությունը տեսնում էին թուրքական լծի դեմ բալկանյան ժողովուրդների նման ըմբոստանալու, իրենց ազատությունը զինված պայքարով նվաճելու զաղափարի մեջ։

Դատապարտելով Թուրքիայում «հավատարիմ հպատակի» ստրկամիտ քարոզը, նրանք հանդես էին գալիս խնկամանը վառողամանով փոխարինելու (Ստ. Ոսկանյան), ազատությունը սրով ձեռք բերելու և պաշտպանելու (Բաֆ-ֆի) կոչերով։ Դեռ 60-ական թվականներին հայ ժողովրդին ազատագրական պայքարի էր կոչում «Արծփի Վասպուրականը»։ Բեռլինի կոնգրեսից հետո, նրա խմբագիր Մկրտիչ Խրիմյանը զայրույթով նշավակում էր օտար լուծը հեղությանը տանող, չորհրդող ու չապստամբող հայ ժողովրդին, ապա զենքի ու ըմբոստության կոչում նրան. «...Դեռ պիտի կոտորվիք, դեռ պիտի մորթվիք... քանի որ անգլեն, անեղզուր, անասպար կապրիք»⁷¹։

Մերկացնելով մեծ տերությունների զավթողական քաղաքականությունը, հայ ժողովրդի ազատագրումը զինված պայքարի անհրաժեշտության հետ էր կապում և Մ. Մամուրյանը, իսկ Գր. Զիլինկիրյանը խոսում էր հայրենիքի համար արյուն թափելու առաքինության մասին։ Ժամանակի հրաշունչ ոգին մարմնավորեց Մ. Պեշկևիշաշյանը, Վ. Հյուզդոյի «Հույն տղան» բանաստեղծության նմանողությամբ գրած իր «Հայ քաջորդուն», «Կուզեմ վառող և զնդակներ» ստեղծագործություններով։ Պ. Դուրյանի թախծոտ ու քնարական ոգին հայրենիքին օգնելու տենչով էր բաբախում, իսկ Հ. Պարոնյանն արգեն այդ օգնության ուղիներն էր նշմարում, որոնք անցնել չէր կարելի ոչ եվրոպական դիվանագիտության սարդոստայնի վրայով, ոչ էլ լացով, քանզի «արտասուքը մանուկներու և կիներու (մեծ մանուկներու) բաժինն է»։ Անգամ ազգային-պաշտպանողական Կ. Շահնազարյանը փափագում էր, որ յուր

70 Տե՛ս Տիգրան Մկուռցի. Ամիդայի արձագանքներ, Ելու-Ցորք, 1950, էջ 192, 197։

71 Մ. Խրիմյան. Ամբողջական երկեր, էջ 275։

ազգը «եղ միայն ազատ ըլլար, այլև իր հայրենիքին ինքնիշխան տիրեր... Իր բազմաժամանակյա ստրկության զարշույթունը ճանաչելով, ինքն ալ ցանկար օր առաջ մարդկության նպատակին համեմատ ազատորեն ապրել, վասնզի աստված զմարդ ազատ և ինքնիշխան ստեղծեր է»⁷², Մ. Նալբանդյանի անմիջական ազդեցությամբ իր բնարն էր հնչեցնում Սմբատ Շահազիզը, պատրաստ նրա նման և նրա օրինակով պայքարելու մինչև սուր ու կախաղան»:

Առաջընթացի դժվարին ճանապարհին հայ ազգային-ազատագրական շարժումը չկորցրեց իր ժողովրդական-դեմոկրատական բովանդակությունը: Պայքարի դրոշ էր դառնում արդեն «Ազատություն կամ մահ» բնաբանը, որն օրինական ուժ ստացավ Կարինի «Պաշտպան Հայրենյաց» կազմակերպության և Մոսկվայի «Հայրենասերների միության» գրավոր փաստաթղթերում:

«Ես և գուցե իմ բոլոր համախոհներս կընկնենք, բայց մեր անկումը ճանապարհ կբացանն մեր հետեւողների առջև. նրանք կանցնեն մեր դիակների վրալով»⁷³. այսպիսի ազդով էր Րաֆֆին ընդհանրացնում ազատագրական շարժման իր գործնական ու տեսական ուղին: Րաֆֆու հերոսները դիտակցում էին, որ իրենք կարող են զոհվել, բայց մտածված գնում էին ողջակիզման ապագայի համար ճանապարհ հարթելու խանդով: Զինված պայքարի անհրաժեշտությունը դարձել էր օրվա պահանջ, ուստի ժողովուրդների զգացմունքների իսկական արտահայտիչները հանդես էին գալիս «Ի զեն» կոչով: «Ո՛վ հայրեր,—ասում էր Րաֆֆու հերոսներից մեկը,—ո՛վ պապեր... Եթե դուք այս վանքերի տեղը... բերդեր շինեիք,—եթե դուք սուրբ խաչերի և անոթների փոխարեն... զենքեր գնեիք,—եթե դուք այս անուշահոտության տեղ, որ խնկարկում են մեր տաճարներում, վառող ծխեիք,—այնժամ մեր երկիրը բախտավոր կլիներ»⁷⁴:

Ազատության իր հրաշունչ երգերում հայ ժողովրդի ազատագրումը նրա բարձրացրած սրի ծայրին էր տեսնում Ռ. Պատկանյանը՝ կոչ անելով հայ զեղջուկի խոփից սուսեր կռել, մեկնել ռազմադաշտ, հաղթելու և ազատ վերադառնալու պատգամով:

Անգամ պատմական վնասը «ես... պատմական փաստի համար չեմ գրում, այլ ինձ գրավող ժամանակակից շարժման»,— ասում էր Րաֆֆին: Իսկ վարդան Մամիկոնյանի երգը Ռ. Պատկանյանի առօրյա կոչն էր.

Թող լրոն մունջը, անդամալույծը,
կամ՝ որոց քաղցր է թշնամու լուծը.
Բայց մենք, որ ունենք հողի ու սիրտ քաջ,
Եկ անվախ ելնենք թշնամու առաջ,
Գոնե մեր փառքը մահով ետ խրլենք
Ու այնպես լրոնեք⁷⁵:

XIX դարի 70-ական թվականներին Հ. Պարոնյանը, «Թաւրոնի» էջերում գրում էր, որ մարդկային իրավունքների ձեռք բերման ու պահպան-

72 ՏՃ՝ Աղոտ Հովհաննիսյան, Նալբանդյանը և նրա ժամանակը, գիրք 2, Երևան, 1956, էջ 46—47:

73 Րաֆֆի, Երկերի ժողովածու, հ. 3, 1962, էջ 192:

74 Նույն տեղում, էջ 56—57:

75 Ռ. Պատկանյան, Երկերի ժողովածու, հ. 2, Երևան, 1964, էջ 28:

ման առաջին պայմանն հրացանն է⁷⁶։ Իսկ հույն ժողովրդի ազգային հերոս Բոցարիսին գովերդող Վ. Փափաղյանը Հայաստանի վաղվա օրն էր մատնանշում, գրվառելով երկար տառապանքներից հետո թուրքական լուծը թափած Հունաստանի ներկան, որն արդեն «բարձրագույնս վայելում է մի փառավոր ազատություն»⁷⁷։

Արսեն Թոխմախյանը, զոհաբերությունն ընկալելով որպես «մարդկային կյանքի անբաժանելի ընկերը», բարենրախտ էր համարում միայն այն երկիրը, այն հայրենիքն ու ազգը, որի որդիները մեծ նպատակների համար գիտեն մեռնել, որոնց համար մահը կյանքի սկիզբն է⁷⁸։

1880 թ. գրած իր «Հայոց աշխարհ» երգում զինված պայքարի կոչ էր անում նաև աշուղ Ջիվանին։

Այլոց նման զենք չսուար, զրավոր բան խնդրեցիր,
Կարծում եմ անիրավունք, նորա համար մնացիր⁷⁹։

Մի ձեռքում արոր, մյուսում հրացան բռնելու Գր. Արծրունու կոչը բորբոքել էր անգամ շատ թմրած կրքեր։ Արևմտահայ ժողովրդի ազատագրումը կապելով զինված ապստամբության կամ Ռուսաստանի օգնության հետ, Գր. Արծրունին «Մշակի» էջերը ողողում էր պայքարի ազատաշունչ մարտակոչերով։ Իսկ Մ. Մամուրյանը գրում էր. «Հայաստանը սիրողը շխտսիր, շղթար, ալլ անոր դարավոր վրեժը կլուծե... սուրը սրով վանել պետք է, երբ իրավանց ձայնն տկար և անլսելի է...»⁸⁰

Այս հանգը հնչում էր նաև «Հին կոիվը» շարունակող Հ. Թումանյանի «երկիր» անցնող երիտասարդների բերանում դրած երգի մեղեդիներին.

Հեյ գալիս ենք ով տանջվածներ,
Գալիս ենք մենք զինավառ
Եվ ազատ օր, և կյանք և սեր
Ողջ բերում ենք ձեզ համար⁸¹։

Իրենց ստեղծագործություններով, իսկ հաճախ նաև գործնական մասնակցությամբ, ազատագրական շարժման ուղեծիր էին նշում Ա. Արփիարյանը, Մուրացանը, Պ. Պղտյանը, Հ. Հովհաննիսյանը, Ղ. Աղայանը և ուրիշներ։

Ազատագրական շարժման առաջընթացի ճանապարհին զեմոկրատական ուղղության գործիչներն անհաշտ պայքարի մեջ էին պահպանողականների հետ, որոնց հմայել էր լուսավորական շարժման ճանապարհով ազատագրվելու պատրանքը։ «Դուք մի շտապեք, գայթակղության առիթ մի տաք։ Ժամանակը ինքնիրան, կամաց-կամաց, կանի ինչ-որ հարկավոր է», — այսպես էր դատում «Մեղու Հայաստանի» սյուներից մեկը՝ Նդիշև Գեղամյանը, Բաֆֆուն մեղադրելով Չերնիշևսկու զաղափարակիցը լինելու մեջ⁸²։

76 ՏՆ՝ «Քառերես», 1876, № 198։

77 Վ. Փափաղյան, Երկերի ժողովածու, հ. 2, Երևան, 1964, էջ 28։

78 ՏՆ՝ Ա. Թոխմախյան, Հայրենիքի պահանջները և հայ գյուղացին, էջ 83—89։

79 «Փարոս Հայաստան», 1881, № 1, էջ 11։

80 Մ. Մամուրյան, Սև լեռնի մարդը, Աթենք, 1932, էջ 30, 32։

81 Զ. Թումանյան, Երկերի ժողովածու, հ. 6, Երևան, 1959, էջ 42։

82 ՏՆ՝ «Մեղու Հայաստան», 1883, № 39։

Պատահական չէ, որ արևմտահայերի համար լուսավորությունից առաջ հաց պահանջող Ա. Թոխմախյանը «Մհդու Հայաստանի» կողմից դասվեց «ազգային ցեղերի» շարքում⁸³:

Միջին դիժ փնտրող կենտրոնի ուղղությունը, «Փորձի» բերանով, արևմտահայ ժողովրդի հոշոտման պատասխանատվությունը գցում էր միայն տեղական իշխանությունների վրա, և մի կողմից կոչ անելով կոլով ձեռք բերել երազած ազատությունը, մյուս կողմից գրում էր. «Կոիվ ասել չենք ուզում հասկանալ հեղափոխական միջոցառումներ», այլ խաղաղ միջոցներով պայքարել⁸⁴: Իսկ այդ ուղղության հաջորդ ձայնատարը՝ «Արձագանքը»՝ «...Հավասարապես թշնամի էր թե Նոր-Դարին» և թե «Մշակին»: Նա թեև պահպանողական էր, բայց ավելի ղեպի ձախ. թեպետ ազատամիտ էր, բայց ավելի ղեպի աջ: Նա կենտրոնն էր և այդ պատճառով ատում էին նրան թե «Նոր-Դարը» և թե «Մշակը»⁸⁵:

Արևելահայ արիստոկրատիան իս. կադրյանի բերանով ազդարարում էր, թե հայերի ազատագրական բաղձանքը անմիտ ցնորք է:

Արևմտահայ լիբերալ-սահմանադրականների տեսակետն էր արտահայտում Մ. Զերալը, 1870 թ. մայիսի 24-ին արտասանած ճառում Նշելով, որ արևմտահայերը տառը տարի առաջ սահմանադրություն ստացան, որն իբր մի իսկական հեղափոխություն էր, ավելացնելով. բայց լավ էր, որ մենք այն արեցինք առանց «Թորեսպիների տապարին» դիմելու «Օրհնյալ լինիք խաղաղությունի դիմորներ, իմաստասեր հեղափոխիչներ, դուք արյունը ատեցիք և ձեր աչք սուրբ պահեցիք»⁸⁶:

1874 թ. Ազգային ժողովում արտասանած իր ծրագիր-կուլթում արևմտահայ լիբերալիզմի նահապետներից մեկը՝ Ն. Ռուսիյանը խրատում էր պոլսահայ էֆենդիներին. «Բռնաճնությունը զգուշանալ, սահմանին ու շահերին ճանաչել և բարեխնամ տերության վստահությունը միշտ վայելելու համար մեր գլխեն վեր խնդիրներու հանդգնությունը շնախաձեռնել...»⁸⁷:

1870—1871 թթ., երբ պատրիարքարանում ու Ազգային ժողովում դբաղվում էին հարստահարությունների մատին զեկուցագրեր կազմելով, Ն. Ռուսիյանը, Սերվիլներ և նրանց համախոհները կամ զգուշավոր լռություն էին պահպանում, կամ հաճախ բացակայում:

Թուրքական տիրապետության դեմ խմորվող ազգային-ազատագրական շարժման երկփեղկավածություն զոյություն ուներ նաև օսմանյան լուծը թոթափելու համար ոտքի կանգնած մյուս ժողովուրդների պայքարի ղեղերումներում:

«Փորձի» պիտի դրվի դանակը, թանաքը արդեն չի օգնում»,—ասում էր բուլղարական ազատագրական շարժման առաջնորդներից Վասիլ Լևսկին: Մի կարծիք, որ դրանից ղեռ շատ վաղ առաջ էին քաշել ու պաշտպանել Մ. Նալբանդյանն ու նրա արևմտահայ բարեկամները:

Պախարակելով բուլղար «լուսավորականների» հեղ վարքագիծը, նրանց հայ համախոհներին էր ազդում Քրիստո Բոտևը, երբ 1875 թ. գրում էր, որ

83 Տե՛ս «Մհդու Հայաստանի», 1883, № 72:

84 «Փորձ», 1877—1878 թթ., № 4, «Ազգային տեսություն»:

85 Վ. Փափազյան, Պատմություն հայ գրականության, Քիֆիս, 1910, էջ 539:

86 Մ. Ներսիս, Գրական փորձեր, Կ. Պոլիս, 1874, էջ 92:

87 «Առանադրությունը ազգային ընդհանուր ժողովուրդ», 1874, էջ 51—52:

Թուրքիան արդեն տարածել է իր մահացու ձեռքը բուլղար ժողովրդի բոլոր կենսունակ ուժերի վրա և ոչինչ չի կարող հեռացնել այդ ձեռքը, բացի կրակից և սրից⁸⁸։

Պահպանողական հոսանքների դեմ մղած պայքարում հայ ղեմավարական միտքը հարվածի իր սլաքներն ուղղում էր նաև կղերականության դեմ։

Այն ժողովուրդները, — ասում է Մ. Մամուրյանի հերոսը, — որոնք իրենց ամբողջ պայքարը սահմանափակում են պատրիարքի կատարած գործողության մեջ, թաղապետսիրտների հուրկ են, և իրենց հաշմությունները փիլոսոֆիաների վարագուրելու տրամադիրը։ Վառող սիրով ընդունող «Արևելյան մամուլը» ծանր ու վտանգավոր է գտնում խունկի հոտը, քանզի առաջինը ազատության, կենաց պայքարի նշանաբանն է, երկրորդն ստրկության թամբերը⁸⁹։

Այդ դիրքերում անասան կանգնած էր նաև Բաֆֆին, որը ոչ միայն ազատագրական շարժման գաղափարախոսության իր հենարանը չէր որոնում Էկեղեցու մեջ, այլև խախտում համարելով, խարազանում էր այն։

Ինչպես համընդհանուր ապստամբություն քարոզող արմատական թևում, այնպես էլ նրանից տարբեր պատեններով անջրպետված լիբերալ, ազգային-պահպանողական ու կղերահետադիմական հոսանքների պայքարի ղեկավարներում առանձնակի բարձրանում էր մեծ տերությունների նկատմամբ ունեցած կողմնորոշման հարցը։

Եվրոպական դիրքորոշումը, որն սկզբնապես բավական հզոր էր, որոշակի սասանվեց Բեուլինի կոնգրեսից հետո։

Առավել զանգվածային էր ուսական կողմնորոշումը, որի ամենաշեղմնեանց ու գործունյա ներկայացուցիչը Գր. Արծրունին էր։

Ապստամբության կոչելով հայ ժողովրդին ընդդեմ թուրքական բռնապետության, Արծրունին պայքարի իր նիզակներն ուղղում էր նաև եվրոպայի դեմ, մարտահրավեր նետում «եննգավոր, եսական... ձնող ու հարստահարող» Անգլիային, որը հնարավորության ղեպում կկողոպտի, կքամի հայ ժողովրդին այնպես, ինչպես կեղեքում է իր գաղութների բազմամիլիոն ազգաբնակչությանը։ «Միակ պետությունը, — գրում էր նա, — որի վրա հայերը կարող են հույս դնել, Ռուսաստանն է»։ Նա համոզված էր, որ եթե Արևմտյան Հայաստանը միանա Ռուսաստանին, «մի քանի տարուց հետո երկիրը կլինի ծաղկած գրության մեջ»⁹⁰։

Սակայն լիբերալ Գր. Արծրունու ուսական կողմնորոշումը հեռու լինելով սոցիալ-դասակարգային իմաստավորումից, նրան հաճախ հորձանքով տանում էր ղեկի ցարիզմի նվաճողական քաղաքականության գովերգորի դիրքերը։

Այս և ուրիշ շատ հարցերում Գր. Արծրունուց ու «մշակականներից» իրենց հայացքներով որոշակի տարբերազատվում էին հայ լիբերալ նարոգների, որոնց կարկառուն ներկայացուցիչներից մեկի՝ Հովսեփ Տեր-Մովսիսյանի շեշտված ուսական կողմնորոշումը հագեցված էր ղեմավարական բովանդակությամբ։ Ցարիզմի նվաճողական քաղաքականության փոխարեն

⁸⁸ Տե՛ս Христо Ботев, Публицистика, М., 1952, стр. 159—161.

⁸⁹ Տե՛ս «Արևելյան մամուլ», 1881, հոկտեմբեր, էջ 390.

⁹⁰ «Մշակ», 1877, № 33.

նա հայ ժողովրդին, որպես բարեկամ ու դաշնակից, մատնացույց էր անում առաջադեմ Ռուսաստանը և ոռա ժողովրդին⁹¹։

Ծամանյան դիրքորոշում ունեին հատկապես թուրքական ծառայության մեջ գտնվող հայ պաշտոնյաները։

Սակայն ինչպես բոլոր ողջախոհ հայ գործիչները, այնպես էլ ժողովրդական լայն զանգվածները, երկու պետությունները համեմատելիս, հարկավ, գերապատվությունը միշտ էլ տալիս էին Ռուսաստանին, անգամ իրավացի փաստարկելով, որ բարենորոգումները Թուրքիայում, միևնույն է, չեն իրագործվելու, և արևմտահայերը կամ պետք է հասնեն Արևմտյան Հայաստանի՝ Ռուսաստանին միացմանը, կամ գտնեն հնարավորություններ՝ անկախություն ձևոր բերելու համար։

Ակնհայտ էին նաև արևմտահայ ազգային-ազատագրական պայքարում այդ շարժման խնդիրների նկատմամբ տարբեր դասակարգերի ու հասարակական խմբերի ներհակ վերաբերմունքն ու անկեղծությունները։ Նրանցից յուրաքանչյուրը հասարակական աստիճանի իր դիրքից էր նայում ինչպես անկախ հայրենիք ատեղծելուն, այնպես էլ բարեփոխումների կենսագործման հետ կապված հեռանկարներին։

Այս առնչությամբ անդրադառնալով Բեռլինի վեհաժողովի արդյունքներին, մասնավորապես հայերին վերաբերող 61-րդ հոդվածին, Ա. Թոխմախյանը դիպուկ նկատում է. «Չկա մի դասակարգ, որ 61-րդ հոդվածի իրականացումը շքանկանար, բայց ամեն մի դասակարգ յուր ցանկությունն բոլորովին տարբեր տեսակետովն է նայում դրա վերա... Տաճկաստանի էֆենդիների երես առած խմբերը նայում էին նորա վերա, ինչպես մի միջոցի վերա, որ նրանց կմատակարարի իշխանական ազդեցություն, կամ վարչական բարձր պաշտոններ, դրա համար ինի թերևս, որ այդ խմբերից մի քանիսը արդեն ձգտում են հասնելու ազնվության... վաճառական, կալվածատեր, շարլի քաղաքացիները երազում են յուրանց լայնածավալ օպերացիայի վերա... Գյուղացու անկեղծությունը բոլորովին տարբեր է։ Նա սպասում է թշվառության արտասուքները սրբելու, կյանքի անդորություն, ազատ շունչ քաշել... սպահովություն յուր կյանքին, յուր ստացվածքին, յուր գործին»⁹²։

Հարկավ Արևմտյան Հայաստանի ազատագրումն առաջին հերթին հուզում էր հայ բազմաշարյալ աշխատավորությանը։ Իսկ հայ մեծատունները սարսափում էին զինված պայքարի, հեղափոխության ուրվականից և հանդես էին գալիս «բարխիշամ» տերությունը ծառայելու, լավագույն դեպքում՝ փաղթելու կամ բարենորոգումների համար եվրոպական դիվանագիտությանը դիմելու պահանջով միայն։

Հայ ազատագրական շարժման զաղափարախոսության ելնէջքում հստակորեն ուղենշվում էր այն ճանապարհը, որ տանում էր դեպի ատելություն ու կոխվ թուրքական ռոնապետության, հայրենի երկիրն ավերող, տիրապետող դասակարգերի ու նրանց բռնության դեմ։

Ազատագրական շարժմանը հետամուտ դեմոկրատական կադմակերպությունների ու խմբակների տեսակետը հիմնականում հանգում էր հայ ժողո-

⁹¹ Տճ՝ Վ. Ռադնի, Հայ հասարակական հոսանքների պատմությունից, Երևան, 1956, էջ 392։

⁹² Ա. Թոխմախյան, Մասիս լուսն հարավային ափերում, էջ 24—25։

վրդի ոչ միայն քաղաքական, այլև սոցիալական ազատագրման գաղափարին:

Հայ ժողովրդի քաղաքական ազատությունն իրական չէր կարող լինել առանց տնտեսական խնդրի, առանց հողային հարցի լուծման, այդ էր ընդգծում 80-ական թվականների սկզբներին Արսեն Թոխմախյանը:

Այս առնչությամբ հատկանշական է իր երկարաձգված թելեղով Թիֆլիսի, Նրեանի ու Արևմտյան Հայաստանի կազմակերպությունների հետ կապված Մոսկվայի «Հայրենասերների միության» դիրքորոշումը: «Միության» օրգան, «Ազատության ավետարներ» հայ ժողովրդի պարտքն էր համարում ու հաղթանակի հավատով կոչ անում նրան՝ ղինված ուժով տապալել սուլթանական անարգ լուծը և «ապրել ազատասեր ժողովրդին վայել ինքնուրույն կյանքով»⁹³: Ապա նշավակելով քրդերի ու թուրքերի հետ միասին իրենց հայրենակիցներին կեղեքող հայ մեծատուններին, նա համարձակորեն պարզում էր իր դավանանքը. որ քաղաքական ազատության մասին դատողությունները հայ ժողովրդի համար սնամեջ խոսքեր կլինեն, եթե հայ երկրագործը, արհեստավորն ու մշակը պետք է նորից հարստահարվեն:

Բաֆֆին, Ղ. Աղայանը և ուրիշներ, ազատագրական շարժման հետ միասին, շեփոքում էին հավասարության սկզբունքով կառուցվելիք ապագա հասարակարգի մասին, իսկ Ս. Օտյանի հերոսը համարձակորեն բացատրում էր, որ «ամեն մարդ հավասար է, ժողովուրդը պետք է իր ճակատագրին տևր ըլլա, ալ անցած են բռնակալության խավար դարերը, արևը ամենուն համար կփայլի»⁹⁴:

Հայ ազգային-ազատագրական պայքարի գաղափարախոսության սոցիալական այս ելակետով ինքնին բնորոշվում էր օտար լուծը թոթափելու ձգտող այդ շարժումների ժողովրդագեմոկրատական բովանդակությունը:

Սակայն այնքան էլ հստակ և միաձուլյ ու անխոցելի չէր ոչ հայ ազգային-ազատագրական շարժումն ընդհանրապես և ոչ էլ նրա գաղափարաբանությունը: Ժամանակի տիրական ոգին բյուրավոր ազնիվ ու անխոնջ հայրենասերների մղում էր ինքնամոռաց ու անձնազոհ պայքարի, որոնք սակայն չէին գտնում այդ պայքարը հաղթանակով պսակելու համարիտ ուղին: Հայ ազատագրական շարժումները ղեկավարող գործիչներին ու խմբավորումներին հաջողվեց պայքարի միասնական ծրագրեր մշակել ոչ միայն Օսմանյան կայսրության հարստահարվող մյուս ժողովուրդների, այլև նույնիսկ միմյանց հետ: Հախուռն այդ պայքարում ժողովրդական լայն զանգվածների տարբերությունը հաղթահարելու, նրան տեղականորեն նախապատրաստելու փոխարեն, նրանք հաճախ իրենց հայացքը հառում էին մեծ տերությունների դիվանագիտական միջամտության մշուշոտ հեռանկարին:

Առաջընթացի իր ճանապարհին տարուրերվելով պայքարի այս դժվարին ուղորպություններում, հայ ազգային-ազատագրական շարժումը, սակայն, ամենևին չկորցրեց իր համաժողովրդական-դեմոկրատական բնույթը՝ միշտ հետամուտ հայ ժողովրդի սոցիալ-քաղաքական վերջնական ազատագրման:

93 «Ազատության ավետարներ», 1884, № 4:

94 Ս. Օտյան, Նրբերի ժողովածու, հ. 1, Նրեան, 1960, էջ 315: